



JABATAN HAL EHWAL AGAMA ISLAM PULAU PINANG

TEKS KHUTBAH JUMAAT

Tajuk:

PANGGILAN YANG DIRINDUI

Tarikh Dibaca:

**4 ZULKAEDAH 1441H/
26 JUN 2020M**

Disediakan oleh:

**Bahagian Dakwah,
Jabatan Hal Ehwat Agama Islam Pulau Pinang**



Panggilan Yang Dirindui

(4 Zulkaedah 1441H/ 26 Jun 2020M)

الْحَمْدُ لِلَّهِ ، الْحَمْدُ لِلَّهِ الَّذِي أَرْسَلَ رَسُولَهُ بِالْهُدَى وَدِينِ الْحَقِّ ،
لِيُظْهِرَهُ عَلَى الدِّينِ كُلِّهِ وَلَوْ كَرِهَ الْمُشْرِكُونَ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ ، وَأَشْهَدُ أَنَّ مُحَمَّدًا عَبْدُهُ
وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ
تَبِعَهُمْ بِإِحْسَانٍ إِلَى يَوْمِ الدِّينِ.

أَمَّا بَعْدُ ، فَيَا عِبَادَ اللَّهِ ! اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ
مُسْلِمُونَ.

أَعُوذُ بِاللَّهِ مِنَ الشَّيْطَانِ الرَّجِيمِ
إِنَّمَا يَعْمُرُ مَسْجِدَ اللَّهِ مَنْ ءَامَنَ بِاللَّهِ وَالْيَوْمِ الْآخِرِ وَأَقَامَ الصَّلَاةَ وَءَاتَى
الزَّكَاةَ وَلَمْ يَخْشَ إِلَّا اللَّهَ فَعَسَىٰ أُولَٰئِكَ أَنْ يَكُونُوا مِنَ الْمُهْتَدِينَ ﴿١٨﴾



Sidang Jumaat Yang Dirahmati Allah SWT,

Marilah kita memperbanyakkan ingatan kepada Allah SWT, kerana dengan banyak mengingati Allah, hati dan akal kita akan menjadi lapang dan tenang. Dengan ketenangan akal dan kesucian hati, kita akan memahami segala perintah Allah SWT, iaitu dengan melaksanakan segala suruhan-Nya dan meninggalkan segala larangan-Nya.

Ketika negara baharu beransur pulih dari pandemik COVID-19, marilah kita bersama-sama memanjatkan syukur atas nikmat yang diberikan untuk berjemaah di masjid pada hari ini. Pada saat yang penuh barakah ini, marilah sama-sama kita mendengar dan menghayati khutbah yang bertajuk: **Panggilan Yang Dirindui.**

Sidang Jumaat Yang Dihormati Sekalian,

Pada 18 Mac 2020 yang lalu, negara telah melaksanakan tempoh Perintah Kawalan Pergerakan yang bertujuan bagi mengekang wabak COVID-19. Atas arahan kerajaan melalui Majlis Keselamatan Negara (MKN), terdapat beberapa sektor yang tidak dibenarkan beroperasi sewaktu tempoh PKP termasuklah pengimaran di rumah Allah SWT. Hal ini bagi mengelakkan jangkitan wabak COVID-19 yang boleh merebak melalui sentuhan manusia.

Alhamdulillah, setelah beberapa siri pelaksanaan PKP dijalankan, kita sekarang sedang berada dalam fasa Perintah Kawalan Pergerakan Pemulihan (PKPP) yang memberi kelonggaran kepada masyarakat untuk bergerak bagi menjalankan tugas seharian. Dalam masa yang sama,



beberapa negeri telah memberi kelonggaran secara beransur-ansur kepada masyarakat awam bagi menunaikan ibadah. Pengimarahkan masjid yang sebelum ini tidak dibenarkan seperti solat berjemaah telah dapat kita nikmati dengan mematuhi SOP yang ditetapkan.

Bagi kita yang melazimi rumah Allah SWT, kerinduan untuk hadir ke masjid begitu terasa. Solat jemaah, mendengar kuliah pengajian secara langsung dan sebarang aktiviti pengimarahkan merupakan perkara yang amat dinantikan. Terdapat juga mereka yang kecewa apabila namanya tidak tersenarai untuk panggilan solat Jumaat dan terpaksa pulang solat di rumah kerana kuota untuk solat jemaah telah mencukupi.

Sidang Jumaat Yang Dimuliakan Allah,

Ayat yang dibacakan pada permulaan khutbah sebentar tadi merupakan khabar gembira bagi mereka yang selalu memakmurkan rumah Allah SWT. Allah SWT berfirman dalam surah at-Taubah, ayat 18 yang bermaksud:

“Hanyasanya yang layak memakmurkan (menghidupkan) masjid-masjid Allah itu ialah orang-orang yang beriman kepada Allah dan hari akhirat serta mendirikan sembahyang dan menunaikan zakat dan tidak takut melainkan kepada Allah SWT, (dengan adanya sifat-sifat yang tersebut) maka adalah diharapkan mereka menjadi dari golongan yang mendapat petunjuk”.

Dalam **al-Tafsir al-Kabir** pula menyebut seseorang hanya dikatakan mengimarahkan masjid sekiranya dia kerap berulang alik ke masjid untuk melaksanakan ibadah kepada Allah SWT. Manakala Ibnu Al-Jauzi



mengatakan bahawa mereka yang selalu datang ke masjid adalah mereka yang membangunkan serta memelihara rumah Allah SWT.

Sidang Jumaat Yang Dirahmati Allah,

Bagi mereka yang sebelum ini bersedih kerana tidak dapat hadir ke masjid seperti kebiasaannya, jadikanlah janji daripada Baginda SAW ini sebagai penguat semangat bagi kita menjalankan ibadah kepada Allah SWT. Tambahan pula, PKP kali ini berlaku sewaktu umat Islam sedang menyambut kehadiran Ramadan dalam keadaan masjid dan surau ditutup.

Hal ini bukanlah bermakna kita tidak mampu meraih ganjaran yang besar. Walaupun ibadah lazim seperti solat tarawih berjemaah, iktikaf atau solat fardhu lima waktu di masjid dan surau tidak dapat dilaksanakan ketika PKP, namun sekiranya ia dilakukan dengan penuh istiqamah di kediaman masing-masing ia tetap dikira ibadah yang berpahala.

Daripada Abu Musa Al-Asy'ari RA beliau berkata, bahawa Rasulullah SAW bersabda:

إِذَا مَرَضَ الْعَبْدُ أَوْ سَافَرَ كُتِبَ لَهُ مِنَ الْأَجْرِ مِثْلُ مَا كَانَ يَعْمَلُ مُقِيمًا صَحِيحًا

Maksudnya: *“Apabila seorang hamba sakit atau dalam bermusafir (menempuh perjalanan), maka dicatat baginya pahala kebaikan sebagaimana ketika ia bermukim (menetap di suatu tempat) dan dalam keadaan sihat”*. (Hadis Riwayat Imam Ahmad)



Imam Ibnu Hajar Al-Asqalani ketika mensyarahkan hadis ini mengatakan bahawa hadis ini ditujukan kepada mereka yang melakukan ketaatan namun terhalang dari melakukannya disebabkan ada keuzuran, dalam keadaan niatnya jika tidak terdapat penghalang nescaya dia akan berterusan melakukan ibadah tersebut.

Merujuk kepada apa yang berlaku kepada kita sewaktu pelaksanaan PKP, kita boleh menyamakan (qiyas) ketidakmampuan kita untuk pergi ke masjid bagi tujuan solat tarawih berjemaah atau iktikaf atau solat berjemaah atau solat Jumaat disebabkan masjid ditutup kerana COVID-19, sedangkan selama ini dalam keadaan biasa kita adalah orang yang istiqamah dan tidak pernah meninggalkannya.

Maka bersabarlah dan bertenanglah kerana ganjaran yang sama daripada Allah akan kita peroleh seperti mana kita melakukannya. Yakinlah bahawasanya Allah SWT tetap mengganjari kita selayaknya.

Sidang Jumaat Yang Diberkati Allah,

Dalam menyahut seruan untuk kita bersama-sama kembali memakmurkan rumah Allah dengan mematuhi SOP yang ditetapkan, marilah kita menterjemahkan rasa kesyukuran kita kepada Allah SWT dengan menetapkan azam untuk mendidik diri dan keluarga untuk sentiasa hadir ke masjid.



Betapa besar kemuliaan bagi mereka yang selalu datang ke rumah Allah SWT untuk melakukan ibadah dan aktiviti pengimarah telah disebutkan dalam sebuah hadis, Nabi SAW bersabda:

مَنْ غَدَا إِلَى الْمَسْجِدِ أَوْ رَاحَ، أَعَدَّ اللَّهُ لَهُ فِي الْجَنَّةِ نَزْلًا، كُلَّمَا غَدَا أَوْ رَاحَ

Maksudnya: *“Sesiapa yang pergi ke masjid atau pulang, Allah akan sediakan baginya tempat dalam syurga sepertimana pergi dan pulang”*.
(Hadis Riwayat Muslim)

Sidang Jumaat yang diberkati Allah,

Mengakhiri khutbah pada hari ini, khatib ingin merumuskan beberapa panduan yang perlu diamalkan oleh kita bersama seperti berikut:

Pertama: Umat Islam hendaklah meyakini bahawa tugas untuk memakmurkan rumah Allah SWT adalah tanggungjawab bersama dan amat besar ganjarannya.

Kedua: Kita hendaklah mensyukuri nikmat kesihatan dan nikmat dapat menjalani aktiviti kehidupan norma baharu dengan memperbanyakkan ibadah kepada Allah SWT.

Ketiga: Umat Islam hendaklah mengambil pengajaran daripada musibah yang berlaku sewaktu penularan COVID-19 dengan mematuhi peraturan daripada pihak berkuasa.



Allah SWT berfirman dalam Surah an-Nisa', ayat 103:

أَعُوذُ بِاللَّهِ مِنَ الشَّيْطَانِ الرَّجِيمِ
فَإِذَا قُضِيَتْ الصَّلَاةُ فَادْكُرُوا اللَّهَ قِيَمًا وَقُعودًا وَعَلَىٰ جُنُوبِكُمْ فَإِذَا
أَطْمَأْنَنْتُمْ فَأَقِيمُوا الصَّلَاةَ إِنَّ الصَّلَاةَ كَانَتْ عَلَى الْمُؤْمِنِينَ كِتَابًا مَّوْقُوتًا ﴿١٠٣﴾

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ
الْآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ
الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ
الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ، فَاسْتَغْفِرُوهُ إِنَّهُ هُوَ
الْغَفُورُ الرَّحِيمُ



Khutbah Kedua (Bulan Jun 2020)

الْحَمْدُ لِلَّهِ نَحْمَدُهُ وَنُسْتَعِينُهُ وَنُسْتَهْدِيهِ وَنَسْتَغْفِرُهُ، وَنَعُوذُ بِاللَّهِ
مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا، مَنْ يَهْدِهِ اللَّهُ فَلَا مُضِلَّ لَهُ،
وَمَنْ يَضِلَّ فَلَا هَادِيَ لَهُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ
وَرَسُولُهُ.

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَالتَّابِعِينَ
وَتَابِعِي التَّابِعِينَ لَهُمْ بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا أَيُّهَا الْإِخْوَةُ الْمُؤْمِنُونَ! اتَّقُوا اللَّهَ، أَوْصِيكُمْ وَآيَايَ بِتَقْوَى
اللَّهِ فَقَدْ فَازَ الْمُتَّقُونَ.

Sidang Jumaat Yang Dirahmati Allah,

Saya berpesan kepada tuan-tuan dan diri saya sendiri supaya bertakwa kepada Allah SWT dengan mematuhi segala perintah-Nya dan menjauhi segala larangan-Nya. Sesungguhnya berbahagialah orang yang bertakwa kepada Allah.

Pada saat yang penuh barakah ini marilah kita berselawat ke atas nabi Muhammad SAW yang membawa petunjuk dan rahmat kepada kita sekalian sepertimana perintah Allah dalam surah Al-Ahzab, ayat 56:



أَعُوذُ بِاللَّهِ مِنَ الشَّيْطَانِ الرَّجِيمِ
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ
وَسَلِّمُوا تَسْلِيمًا.

اَللّٰهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ.
كَمَا صَلَّيْتَ وَسَلَّمْتَ وَبَارَكْتَ عَلَى سَيِّدِنَا اِبْرَاهِيْمَ وَعَلَى آلِ سَيِّدِنَا
اِبْرَاهِيْمَ فِي الْعَالَمِيْنَ اِنَّكَ حَمِيْدٌ مَّجِيْدٌ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ وَالْمُؤْمِنَاتِ الْاَحْيَاءِ
مِنْهُمْ وَالْاَمْوَاتِ. اَللّٰهُمَّ اَرِنَا الْحَقَّ حَقًّا وَاَرْزُقْنَا اتِّبَاعَهُ، وَاَرِنَا الْبَاطِلَ
بَاطِلًا وَاَرْزُقْنَا اجْتِنَابَهُ، بِرَحْمَتِكَ يَا اَرْحَمَ الرَّاحِمِيْنَ.

اَللّٰهُمَّ اَنْزِلِ الرَّحْمَةَ وَالسَّكِيْنَةَ وَالسَّلَامَةَ وَالْعَافِيَةَ عَلَى مَلِكِنَا، كباوه
دولي يغ مها موليا سري قادوك باكيندا يغ دفرتوان اكوخ ك-انم
بلس، السُّلْطَانُ عَبْدُ اللَّهِ رِعَايَةُ الدِّينِ الْمُصْطَفَى بِاللَّهِ شَاهِ ابْنِ
الْمَرْحُومِ سُلْطَانِ حَاجِ أَحْمَدُ شَاهِ الْمُسْتَعِينِ بِاللَّهِ، وكذلك مولانا
توان يغ تراوتاما تون داتوء سري اوتاما دكتور حاج عبد الرحمن بن
حاج عباس، يغ دفرتوا نكري قولاو فينغ.



نَعُوذُ بِكَلِمَاتِ اللَّهِ التَّامَّاتِ مِنْ شَرِّ مَا خَلَقَ، بِسْمِ اللَّهِ الَّذِي لَا يَضُرُّ
مَعَ اسْمِهِ شَيْءٌ فِي الْأَرْضِ وَلَا فِي السَّمَاءِ وَهُوَ السَّمِيعُ الْعَلِيمُ،
اللَّهُمَّ ادْفَعْ عَنَّا الْبَلَاءَ وَالْغَلَاءَ وَالْوَبَاءَ وَالْفَحْشَاءَ وَالْمُنْكَرَ وَالْمِحْنَ
وَالْفِتْنَ، مَا ظَهَرَ مِنْهَا وَمَا بَطَنَ، مِنْ بَلَدِنَا هَذَا خَاصَّةً، وَمِنْ بُلْدَانِ
الْمُسْلِمِينَ عَامَّةً، إِنَّكَ عَلَى كُلِّ شَيْءٍ قَدِيرٌ. اللَّهُمَّ إِنَّا نَعُوذُ بِكَ مِنْ
الْبَرَصِ، وَالْجُنُونِ، وَالْجُدَامِ، وَمِنْ سَيِّئِ الْأَسْقَامِ. اللَّهُمَّ لَا مَانِعَ لِمَا
أَعْطَيْتَ وَلَا مُعْطِيَ لِمَا مَنَعْتَ وَلَا رَادَّ لِمَا قَضَيْتَ وَلَا يَنْفَعُ ذَا الْجَدِّ
مِنْكَ الْجَدُّ، يَا أَرْحَمَ الرَّاحِمِينَ.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى
عَنِ الْفَحْشَاءِ وَالْمُنْكَرِ وَالْبَغْيِ، يَعِظُكُمْ لَعَلَّكُمْ تَذَكَّرُونَ. فَادْكُرُوا اللَّهَ
الْعَظِيمَ يَذْكُرْكُمْ وَاشْكُرُوهُ عَلَى نِعَمِهِ يَزِدْكُمْ وَاسْأَلُوهُ مِنْ فَضْلِهِ
يُعْطِكُمْ، وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.